

Incumbensa Biert concernent scolas da chant e da musica

Tenor la Lescha chantunala davart la promoziun da la cultura (LPC) ston las vischnancas u lur mandatarias manar scolas da chant e da musica. Il chantun paja contribuziuns a las scolas da chant e da musica, e quai en l'autezza da 30 pertschient dals custs imputabels per uffants e per giuvenns creschids, fin ch'els han cumplenì il 20. onn da vegliadetgna.

L'art. 19 al. 3 LPC prescriuva: «Ils custs imputabels per unitads d'instrucziun che han il dretg da survegnir contribuziuns vegnan calculads tenor la media da la tariffa da salarisaziun d'ina persuna d'instrucziun da la scola primara plus in supplement procentual per ils custs accessorics.»

L'Ordinaziun respectiva davart la promoziun da la cultura (OPC) sutminescha dentant questa orientaziun a la tariffa da salarisaziun d'ina persuna d'instrucziun. L'art. 16 al. 2 sa cloma: «Ina unitad d'instrucziun imputabla dura 60 minutas.» En la scola primara dura in'unitad d'instrucziun dentant 45 minutas (art. 25 al. 2 da la Lescha da scola).

Questa pratica da contribuziun discriminescha la finala las persunas d'instrucziun da musica e chaschuna perditas da salari considerablas, perquai che las persunas d'instrucziun da musica ston instruir per la medema tariffa 60 empè da 45 minutas. Questa pratica è problematica, perquai ch'ella cuntrafa al cuntegn da la LPC. Las persunas d'instrucziun da musica cun las qualificaziuns correspundentas na duain betg vegnir indemnizadas vinavant cun trais quarts d'in salari d'ina persuna d'instrucziun da la scola primara, mabain – sco quai ch'igl è previs en la lescha – en moda equivalenta.

Las sutsegnadras ed ils sutsegnaders incumbenseschan perquai la Regenza da midar l'art. 16 al. 2 OPC sco suonda: «In'unitad d'instrucziun imputabla dura 45 minutas.»

Cuira, ils 5 da december 2024

Biert, Gansner, Lehner, Atanes, Bachmann, Bardill, Baselgia, Bischof, Bisculm Jörg, Bleuler-Jenny, Cahenzli-Philipp, Degiacomi, Dietrich, Furger, Gartmann-Albin, Gredig, Hoch, Kaiser, Kreiliger, Mazzetta, Müller, Nicolay, Preisig, Rettich, Righetti, Rusch Nigg, Rutishauser, Said Bucher, Spagnolatti